

SKUPŠTINA KANTONA SARAJEVO

**ZAPISNIK SA
DEVETE RADNE SJEDNICE SKUPŠTINE KANTONA SARAJEVO,
ODRŽANE 21.12.2015. GODINE SA POČETKOM RADA U 10,00 SATI**

Sarajevo, decembar 2015.

Sjednici su prisustvovali poslanici/zastupnici:

STRANKA DEMOKRATSKE AKCIJE

1. Ademović Kemal
2. Čelik Mirza
3. Čomor Eldar
4. Delalić Sabahudin
5. Dovadžija Amar
6. Mešanović Safet
7. Kozadra Muhamed
8. Mašović Amor
9. Okerić Elmedin
10. Prevljak Fikret

DEMOKRATSKA FRONTA – ŽELJKO KOMŠIĆ

1. Akšamija Goran
2. Avdibegović Neira
3. Bukva Sejo
4. Kerla Bibija
5. Mehmedagić Mersiha
6. Pindžo Mirsad
7. Vukasović Mario

SAVEZ ZA BOLJU BUDUĆNOST – FAHRUDIN RADONČIĆ

1. Babić Ana
2. Lakota Rasim
3. Pecikoza Fahrudin
4. Marić Zvonko
5. Rađo Dževad
6. Filipović Selma

SOCIJALDEMOKRATSKA PARTIJA BOSNE I HERCEGOVINE

1. Srna Bajramović Srna
2. Šućur Slaviša

NAŠA STRANKA

1. Ćudić Sabina
2. Forto Edin
3. Kojović Predrag

BOSANSKA STRANKA – MIRNES AJANOVIĆ

1. Haris Pleho
2. Rasim Smajić

BOSANSKOHERCEGOVAČKA PATRIOTSKA STRANKA – SEFER HALILOVIĆ

1. Halilović Semir

SAMOSTALNI POSLANICI/ZASTUPNICI

1. Bjelak Nermin
2. Aljović Hamed
3. Mekić Amel

Prvog dijela tonskog zapisa nema zbog prestanka u napajanju električnom energijom, te se tako stenogram nije mogao izraditi.

Po dolasku električne energije i uspostave tonskog snimanja predsjedateljica Ana Babić je pozvala poslanike da počnu s radom i izvinula se zbog vanredne situacije. Obavijestila je prisutne da je stigao prijedlog Komisije za boračka pitanja koji se treba razmatrati prije utvrđivanja dnevnog reda.

Poslanik/zastupnik Mirza Čelik je upoznao pristune da je Koordinacioni odbora boračkih organizacija Kantona Sarajevo zajedno sa Komisijom za boračka pitanja sačinio tekst Deklaracije koja je dostavljena svim zastupnicima. Poslanik je pročitao tekst Deklaracije i zamolio sve poslanike da se potom izjasne o istoj.

1. Pridružujemo se svim borcima i građanima Države Bosne i Hercegovine koji su osudili neprimjeren način hapšenja pripadnika Oružanih snaga Republike Bosne i Hercegovine.
Ovim izražavamo svoj stav da smo protiv spektakularnih hapšenja naših saboraca, sugrađana putem policijskih snaga sa maskama (fantomkama) na glavi i pod punim naoružanjem. Ovakvim postupcima se uznemiruju građani Kantona Sarajevo.
2. Obzirom da se radi uglavnom o ljudima legalistima koji poštuju zakone ove zemlje, samim tim i pravosudne institucije Države Bosne i Hercegovine, dovoljno je poslati poziv za sve eventualno nejasne detalje u predmetima koje obrađuju nadležni pravosudni organi.
3. Želimo istaći da smo u potpunosti opredijeljeni za procesuiranje svih ratnih zločina počinjenih tokom agresije na Bosnu i Hercegovinu, ma od koga oni bili počinjeni. Međutim, imamo utisak da neki nevidljivi centri moći žele trajno da falsifikuju svijetlu i časnu borbu svih patriota Države Bosne i Hercegovine.
Ovim putem želimo saopštiti da čvrsto vjerujemo u nezavisnost, nepristrasnost i samostalnost pravosudnih institucija Bosne i Hercegovine.

Deklaracija je usvojena većinom glasova prisutnih (28 glasova "ZA").

UTVRĐIVANJE DNEVNOG REDA

SKUPŠTINA JE ZA DEVETU RADNU SJEDNICU SKUPŠTINE KANTONA SARAJEVO JEDNOGLASNO (33 „ZA“) USVOJILA SLJEDEĆI

D N E V N I R E D:

1. Poslanička/zastupnička pitanja, inicijative i odgovori;
2. Prijedlog zakona o unutrašnjim poslovima Kantona Sarajevo;
3. Nacrt zakona o izmjenama i dopunama Zakona o komunalnoj čistoći;
4. Nacrt zakona o zaštiti od buke Kantona Sarajevo;
5. Nacrt zakona o turizmu;
6. Prijedlog odluke o davanju saglasnosti na osnivanje prava građenja na nekretninama u vlasništvu Kantona Sarajevo na kojima je kao nosilac prava raspolaganja upisan KJKP

„Gradski saobraćaj“ d.o.o. Sarajevo i to u korist Grada Sarajeva, a sve u cilju realizacije projekta „Revitalizacija Trebevičke žičare“;

7. Prijedlog odluke o davanju saglasnosti Kantonalnom javnom preduzeću „ZOI 84“ Olimpijski centar Sarajevo d.o.o. Sarajevo za upis hipoteke na nekretnine u vlasništvu radi kreditnog zaduženja kod komercijalne UNION BANKE d.d. Sarajevo u iznosu od 8.000.000 KM;
8. Prijedlog odluke o izmjenama i dopunama Odluke o legalizaciji građevina izgrađenih bez odobrenja za građenje i građevina privremenog karaktera („Službene novine Kantona Sarajevo“, br. 6/06, 18/07, 18/08 i 35/12);
9. Prijedlog odluke o izmjeni Odluke o imenovanju članova Vijeća nacionalnih manjina Kantona Sarajevo;
10. Prijedlog odluke o izmjenama Odluke o osnivanju lovišta na području Kantona Sarajevo („Službene novine Kantona Sarajevo“ broj:17/10 i 42/12);
11. Prijedlog odluke o davanju saglasnosti za osnivanje privatne srednje škole naziva: Gimnazija Univerziteta Sarajevo School of Science and Technology, Sarajevo, Bistrik br. 7;
12. Izvještaj o poslovanju KJU “Gerontološki centar” za 2014. godinu (Izvještaj o radu sa Izvještajem o finansijskom poslovanju za 2014. godinu);
13. Programi rada Kantonalnih javnih ustanova za 2016. godinu:
 - a) “Porodično savjetovalište”,
 - b) “Disciplinski centar za maloljetnike”,
 - c) “Gerontološki centar”,
 - d) “Kantonalni centar za socijalni rad”,
 - e) “Dom za socijalno zdravstveno zbrinjavanje osoba sa invaliditetom i drugih osoba”,
 - f) „Dom za djecu bez roditeljskog staranja“;
14. Izvještaj o stanju u oblasti zapošljavanja u Kantonu Sarajevo za 2014. godinu.

Uz poziv za sjednicu, kao informativni materijal, poslanicima su dostavljeni:

1. Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec septembar 2015. godine;
2. Izvještaj o zaduženju kod UniCredit Bank d.d. Mostar, Raiffeisen Bank d.d. , Nova banka ad Banja Luka Union banka d.d. broj: JN-ZP-08-01-14-18572, koji je podnio ministar finansija ;
3. Informacija o monitoringu evaluaciji Programa sufinansiranja zapošljavanja pripravnika VSS, VŠS, SSS KV stručne spreme – 2014.

AD – 1.

POSLANIČKA/ ZASTUPNIČKA PITANJA I INICIJATIVE

Predsjedateljica Ana Babić je prozivala prijavljene poslanike/zastupnike po abecednom redu.

Zastupnik Goran Akšamija je postavio zastupničko pitanje i pokrenuo jednu inicijativu: „Moje pitanje odnosi se na jednu već kažemo učestalu stvar koja se ovdje stalno ponavlja, a upućujem ga Vladi Kantona Sarajevo i Ministarstvu komunalne privrede i infrastrukture. Svjedoci smo svakodnevnih redukcija vode koje se i dalje odvijaju u ovom gradu gdje nema nikakvog odgovora ni pokušaja da se nešto učini. Poznato je da postoji privilegovani dijelovi grada koji ne trpe ove redukcije a većina domaćinstava koja se nalazi na rubu egzistencije u današnje vrijeme ne može da koristi niže tarifne stavove za pranje veša itd.

što je naravno u noćnim satima. Zanima me da li će se stvarno nešto na kraju poduzeti da se ovaj nesposobni menadžment JP VIK-a smijeni i ukloni sa tog mjesta i da dođu ljudi koji će početi rješavati jedno da kažemo vitalnih pitanja za ovaj grad. Hvala.

I drugo se odnosi, to je inicijativa prema Ministarstvu saobraćaja. Odnosno svjedoci smo svakodnevnog kretanja dostavnih vozila u našem gradu koja na svim saobraćajnicama od prvog pa drugog i trećeg reda parkiraju dostavna vozila na sred ceste, parkiraju vozila po trotoarima u bilo koje vrijeme, ugrožavaju saobraćaj kako vozača tako i pješake, što se najbolje vidi recimo na primjer kroz Titovu ulicu gdje je sasvim normalno da dostavno vozilo stane u sred najveće špice i vrši istovar dostavljene robe. Također, ulica Čekaluša svako jutro je izložena teroru dostavnih vozila od Kevrinog potoka pa preko raskrsnice Bjelave i stvarno bi bilo krajnje vrijeme da se reguliše vrijeme kao što je bilo prije rata, kada dostavna vozila mogu da vrše opskrbu ovih trgovačkih objekata“.

Zastupnik Hamed Aljović je postavio dva zastupnička pitanja:

„Moje prvo pitanje upućeno prema Zavodu za izgradnju Kantona Sarajevo. Molim Zavod za izgradnju Kantona Sarajevo da mi odgovori sa koliko stanova raspolaže Zavod i ko koristi stanove Zavoda i po kojem osnovu, pojedinačni pregled.

Moje drugo pitanje upućeno je Ministarstvu obrazovanja nauke Kantona Sarajevo odnosno ministru obrazovanja. Molim ministra obrazovanja, nauke i mladih Kantona Sarajevo da mi odgovori da li je tačno da su neke osobe članovi u četiri do pet školskih odbora u osnovnim školama u Kantona Sarajevo. Također vas molim da mi dostavite spisak osoba koji su predstavnici ministarstva u školskim odborima.

Obrazloženje prema članu 13 stav 1 pravilnika o izboru i imenovanju načinu rada školskih i nadzornih odbora u osnovnim školama u Kantonu Sarajevo za člana školskog i nadzornog odbora u postupku imenovanja ne može biti izabrana osoba koja je član više od jednog organa upravljanja ili nadzora bilo kojeg pravnog lica“.

Zastupnica Neira Avdibegović je postavila dva zastupnička pitanja:

„Prvo je ustvari nezadovoljstvo odgovorom na zastupničku inicijativu koju sam pokrenula na 6. radnoj sjednici održanoj 02.09.2015. godine. Podsjećanja radi, uputila sam inicijativu da Vlada Kantona Sarajevo predloži rješenje problema sa kojima se susreće preduzeće BAGS – ENERGOTEHNIKA d.d. Vogošća, a koje isporučuje toplotnu energiju najvećem dijelu stanovništva i privrednih subjekata u urbanom dijelu Vogošće. Radi se o preduzeću u većinskom vlasništvu (66,6%) Vlade Kantona Sarajevo, koje se susreće sa brojnim problemima u poslovanju, uslijed kojih se svake godine dovodi u pitanje mogućnost finansiranja isporuke toplotne energije za vrijeme grijne sezone. U odgovoru koji sam dobila od Ministarstva privrede Kantona Sarajevo stoji da je, u okviru planiranih budžetskih sredstava za 2015. godinu izdvojeno 200.000 KM u svrhu pripreme postrojenja za grijnu sezonu 2015./2016., a to je podatak koji je svima nama bio poznat i planiran u budžetu za 2015. godinu. Smatrajući da ove vrste finansijskih infuzija, koje za rezultat imaju puko preživljavanje preduzeća, predstavljaju kratkoročno rješenje, upućujem inicijativu da Vlada poduzme konkretne korake, te ponovo ukazujem na besmislenu situaciju sa Peračkim vrelom, gdje jedno javno preduzeće – BAGS ENERGOTEHNIKA d.d. Vogošća prodaje vodu drugom javnom preduzeću – VODOVOD I KANALIZACIJA d.o.o. Sarajevo, a oba su vlasništvo Kantona Sarajevo. Prema mojim saznanjima, kapacitet Peračkog vrela je dovoljan da bi se njegovim uključivanjem u sistem vodosnadbijevanja ujedno riješio gorući problem redukcija vode, sa kojim se susreću građani Kantona Sarajevo.

Moje drugo zastupničko pitanje upućeno Ministarstvu saobraćaja Kantona Sarajevo glasi: Na koji način će se ubuduće vršiti selekcija i dodjeljivati naljepnice sa odobrenjem za parking za

osobe sa invaliditetom, i na koji način Ministarstvo procjenjuje uticaj novih zakona i drugih pravnih odluka na, u ovom slučaju, populaciju osoba sa invaliditetom?

S obzirom da se u javnosti pojavila informacija o mjerama koje Ministarstvo saobraćaja planira sprovesti sa ciljem ostvarenja ušteta, te da se u tom kontekstu spominje i smanjenje broja naljepnica za populaciju osoba sa invaliditetom, na način da će ovu povlasticu moći koristiti isključivo osobe sa invaliditetom koje su ujedno i vlasnici vozila, smatram da se u ovom slučaju ukidaju prava slobode kretanja osobama sa invaliditetom i njihovim porodicama.

Shodno navedenom, molim za odgovor na pitanje: da li je i kako izvršena procjena na koji način će ove izmjene uticati na osobe koje zbog, recimo, sljepoće ili intelektualnog invaliditeta, ne mogu voziti automobil?

Svakako da je pohvalna činjenica da Ministarstvo saobraćaja želi spriječiti zloupotrebe, kojih je nažalost u dosadašnjoj praksi vjerovatno bilo, ali ne smijemo dopustiti da porodice osoba sa invaliditetom, koje su već osiromašene pokrivaajući troškove za usluge koje invaliditet sa sobom donosi, budu na ovaj način diskriminisane. Dakle, samo apelujem na resorno Ministarstvo da razmotri sve aspekte ovog problema i iznađe način za tačnom evidencijom korisnika, kako bi povlastice uživali oni koji ma je to zaista potrebno“.

Zastupnik Sejo Bukva je pokrenuo jednu zastupničku inicijativu:

„Moja je inicijativa bila upućena Vladi jer je to uključeno par ministarstava pa bih samo inicijativa da produženje radnog vremena u ugostiteljskim objektima sa muzikom uživo. Moja inicijativa odnosi se na rad ugostiteljskim objekata u Kantonu Sarajevo. Svjedoci smo sve većeg dolaska stranih i domaćih gostiju u naš grad. Naš grad ima mnogo toga što može da ponudi turistima preko dana ali smatramo da bi trebalo da imamo i neku ponudu noću. Imidž Grada Sarajeva temelji se na dobroj hrani i zabavi. Dosadašnjim zakonom imamo stavku da je muzika uživo dozvoljena u ugostiteljskim objektima do pola noći ili maksimalno do 1 sat iza pola noći. S obzirom da većina tih restorana radi u večernjim satima, dešava se da gosti budu uskraćeni za slušanje naše prepoznatljive muzike i time dobivaju potpuni ugođaj bosanske zabave u prepoznatljive kulinarske specijalitete BIH. Naravno, moramo voditi računa o našim sugrađanima koji imaju stanove u zgradi ili neposrednoj blizini ugostiteljskim objekata. Da bi riješili taj problem, moj prijedlog je da objekti koji žele da imaju muziku uživo tokom cijele noći podnesu zahtjev resornom Ministarstvu ili opštinama a da Ministarstvo napravi određene timovi koji su specijalizovani da obiđu te objekte i izvrše potrebna mjerenja o količini buke i kako ju riješiti. Nakon pregleda odabrani tim daje nalog za preinake za zaštitu od buke, a ugostiteljski objekti to ispoštuju, dobije se dozvola za produženi rad. Ovu inicijativu sada iznosim jer danas je na dnevnom redu Skupštine Zakon o turizmu i Zakon o buci u Kantonu Sarajevo. U cilju poboljšanja ugostiteljske ponude uz vođenje računa o miru u kući naših sugrađana“.

Zastupnik Mirza Čelik je pokrenuo zastupničku inicijativu:

„Tražim od Ministarstva za obrazovanje nauku i mlade da u što kraćem roku pokrene postupak izgradnje osnovne škole na području MZ Stup II Općina Ilidža.

Obrazloženje:

Potreba za izgradnjom OŠ u ovoj MZ postoji već više decenija. Povećanjem broja stanovnika zbog izgrađenih zgrada u naselju Stup Nukleus sa više stotina stambenih jedinica i planiranim nastavkom intenzivne stambene gradnje potreba za ovom školom postala je urgentna. Regulacionim planom Stup Nukleus predviđena je lokacija za školu u Dobrinjskoj ulici preko puta objekta MZ Stup II, a 2005 godine urađen je elaborat o društveno ekonomskoj opravdanosti jer izgradnja i osnivanje nove OŠ u MZ Stup II postoji. Također izvršeno je

fizičko ispitivanje lokacije za izgradnju škole za što su izdvojena finansijska sredstva iz budžeta nadležnih institucija. Usprkos realizovanim aktivnostima u dosadašnjem periodu nisu izvršene potrebne radnje na pokretanju izgradnje škole. Prema Ministarstvu za obrazovanje, nauku i mlade dana 16.06.2015 godine pokrenuta je vijećnička inicijativa na koju je odgovoreno u smislu potrebe izrade i dostave elaborata o društveno ekonomskoj opravdanosti izgradnje i osnivanja nove OŠ u MZ Stup II. Pored navedenog, dana 05.08.2015.godine preko Općine Ilidža istom Ministarstvu upućena je inicijativa savjeta MZ za izgradnju ove škole. Obzirom da je elaborat opravdanosti izgradnje škole izgrađen još 2005 potrebno je iz nadležnosti Ministarstva za obrazovanje nauku i mlade provesti dalji postupak na izgradnji škole“.

Zastupnik Nermin Bjelak postavio je dva zastupnička pitanja:

„Pitanje upućeno Vladi Kantona Sarajevo. Da li Vlada Kantona Sarajevo priprema strategiju aero zagađenja u Kantonu Sarajevo jer je to glavni ekološki i zdravstveni problem našeg Kantona? Molim vas usmeni i pismeni odgovor.

I drugo pitanje bit će upućeno Ministarstvu pravde. Predlažem da se ubrza sudska procedura konfiskovanih vozila u Kantonu Sarajevo i da se ista dodijeli MUP Kantona Sarajevo na upotrebu što bi bila značajna pomoć u njihovom radu. Također tražim usmeni i pismeni odgovor“.

Zastupnik Eldar Čomor pokrenuo je jednu zastupničku inicijativu:

„Pokrećem inicijativu prema Vladi Kantona Sarajevo za formiranje rendžerske službe čiji bi zadatak bio praćenje stanja i zaštite prirode na području Igmana i Bjelašnice. Naime, u zadnje vrijeme se dešava devastacija prirode na pomenutom prostoru od strane pojedinih nesavjesnih građana, te bi daljnje nedjelovanje po ovom pitanju taj prostor moglo dovesti u još goru situaciju. Mogućnost formiranje, formu, modalitet način organizacije i način finansiranja bih prepustio Vladi Kantona Sarajevo a opširnije obrazloženje ću dati u pismenoj formi.

Članove Vlade i premijera Kantona Sarajevo bih napomenuo na član Poslovnika Skupštine Kantona Sarajevo i član 219 u kome se kaže da odgovori u pisanom obliku se dostavljaju predsjedavajućem Skupštine u roku od 15 dana, a izuzetno Vlada ili nadležni ministar mogu zatražiti produženje ovog roka za još 15 dana. Naime, dešava se da se ne poštuju ovi rokovi i da se odgovori na postavljena pitanja i inicijative ne dostavljaju na vrijeme od strane pojedinih ministarstava. A s druge strane da nije sve tako kako ne bi trebalo biti ovdje ću istaći da sam dobio odgovor od strane Zavoda za zaštitu žena i materinstva na inicijativu o upošljavanju još jednog ginekologa na odjelu Zavoda za zaštitu žena i materinstva u odjelu Hadžići. Inicijativa je pokrenuta 12.11. i inicijativa je realizovana po ovom pitanju“.

Zastupnica Sabina Ćudić podnijela je dvije zastupničke inicijative:

„Automatske stanice za kontrolu kvalitete vazduha su u Sarajevu zabilježile ekstremno visoke nivoe otrovnih i štetnih čestica u zraku i što prelazi 300 mikro gr po metru kubnom. Ako uzmete u obzir da je Peking koji se smatra najzagađenijim gradom na Svijetu na isti dan zabilježio nižu stopu prisustva ovih čestica možemo govoriti o alarmantnosti situacije u Sarajevu, naravno i drugim gradovima u BIH, ali se sada ovdje koncentrišemo na Sarajevo. Vladino stručno tijelo za koordinaciju i nadzor proglasilo je stanje pripravnosti i nazvalo to drugom epizodom, mada ne znam čemu pojam epizoda, i čini se da je vladino stručno tijelo stručnije od stručnih tijela koja imaju Vlade u Pekingu, u Londonu, u Rimu, Buenosairesu, u nizu europskih, američkih i južnoameričkih gradova koje količinu zagađenosti u zraku koju naravno udišemo u Sarajevu smatraju gotovo fatalnim za ugrožene skupine stanovništva, kao što su djeca i hronični bolesnici. Mjere koje je ovo Koordinaciono tijelo Vlade predložilo smtaram da su tragikomične. Zapravo da nisu toliko tragične zaista bi bile smiješne, gdje se između ostalog jučer apeluje da vozači smanje upotrebu vozila, apel vozačima nije mjera

naravno zato što se ne zahtjeva da se obustavi niti se uvode alternativni načini prevoza. Iz ovog razloga i niza drugih razloga za koje sada nemam vremena da obrazložim, već smo predali na Protokol niz mjera koje predlaže Naša stranka za smanjenje stope zagađenosti u Kantonu Sarajevo, od kojih ću ja navesti samo neke, a ostale kao što sam rekla, predali smo u pismenom obliku.

1. Proglašenje vanrednog stanja kako bi se prvenstveno zaštitila djeca i mladi, koje boravak na otvorenom (odlazak u školu i na vannastavne aktivnosti) izlažemo ogromnom zdravstvenom riziku. Vlada istovremeno upozoravamo da se djeca ne trebaju kretati na otvorenom a istovremenom djeca su dužna odlaziti u školu, pa najmanje što možemo jeste obezbjediti maske koje mogu nositi ukoliko već Vlada ne smatra da je situacija za vanredno stanje.
2. Razmatranja izrade strategije o dugoročnom subvencioniranju alternativnih goriva za socijalno ugrožene i utopljavanje stambenih objekata s ciljem sprečavanja gubitka energije. Svjesni smo da su individualni stambeni objekti sa neadekvatnim fasadama i ložištima sa nepotpunim sagorijevanjem čvrstog goriva navedeni kao najveći među najvećim uzročnicima zagađenja a Vlada će danas njihove predložiti da se ta izgradnja dodatno legalizuje, tako da smatram da su posljedice bespravne gradnje, potrebno je zato formirati dugoročni plan obustave i sankcionisanja bespravne gradnje.
3. značajna hitna obustava korištenja vladinih vozila osim u hitnim situacijama, kako bi mjere racionalizacije koje zagovara Vlada izvorište zagađenja i svijest o ozbiljnosti problema krenule od vrha.
4. i konačno, kontinuirano informisanje, edukacije javnosti o stepenu zagađenosti, mogućem posljedicama kako bi sami građani direktno doprinijeli rješavanju problema i prihvatanju vanrednih mjera jer trenutno situacija je takva da Vlada zapravo ne informiše građane o katastrofalnim dugoročnim posljedicama po zdravlje koje trenutna situacija ima.

Druga inicijativa, koju ću samo naglasiti s obzirom da nemam vremena da čitam sve detalje, samo ću reći da se radi o prijedlogu zajedničke inicijative prema Vladi FBiH za izmjene Zakona o posredovanju u zapošljavanju i socijalnoj sigurnosti nezaposlenih osoba, gdje smatramo da je sramno da se osobe koje na osnovnu honorarnih ugovora zarađuju više od 208 KM brišu iz registra, odnosno jednokratno 208 KM brišu iz registra nezaposlenih i po osnovu toga gube pravo na zdravstveno osiguranje. U nastavku sjednice po pitanju izvještaja o stanju u zaposlenju ćemo obrazložiti detaljnije ovu inicijativu“.

Zastupnik Edin Forto je obnovio svoju prethodnu inicijativu te tražio da se Skupština izjasni o prijedlogu zaključka:

„Ja se javljam po drugi put na istu temu, a tema je činjenica da naš Prijedlog zakona o izmjenama Zakona o plaćama u naknadama u organima vlasti Kantona Sarajevo nije još uvijek dospio na dnevni red ove Skupštine. Vlada se nije očitovala po ovoj našoj inicijativi. Ja sada molim Skupštinu, a dostavit ćemo ovaj zahtjev svim poslanicima, da se danas izjasnimo o tome, glasat ćemo ustvari o zaključku da se stavi ovaj Prijedlog zakona na dnevni red prve sljedeće Skupštine. Da pojasnim još jednom o čemu se radi. Radi se o jednoj jednostavnoj izmjeni zakona po kojem profesionalni zaposlenici neće imati pravo na primanje paušala koji se prima u iznosu od preko 500 KM za dolazak na posao. Znači oni koji su plaćeni za svoj rad ne trebaju imati paušal za dolazak da rade ono za šta su plaćeni“.

Zastupnica Bibija Kerla je postavila zastupničko pitanje Vladi Kantona Sarajevo:

„Moje pitanje se odnosi na dobivanje odgovora na pitanja i realizaciju inicijativa poslanika DF-a. Bilo bi mi drago da dobijem usmeni ali i pismeni odgovor od našeg dragog premijera Dine Konakovića od dobivanja mandata u novembru 2014 godine do danas održano je osam sjednica Skupština Kantona Sarajevo. Poslanici DF-a su postavili preko 35 pitanja i isto toliko podnijeli inicijativa za poboljšanje životnog standarda građana. Jedna od veoma važnih inicijativa koja je tražena da se realizuje je to da Finansijska policija i Ured za reviziju instituta FBiH uđe u naše ustanove i preduzeća. Finansijska policija je bila u nekim ustanovama ali nemamo ni rezultata ni informacija te akcije. Inicijativa prema Vladi da se Kantonalni stambeni fond i Fond Kantona Sarajevo za izgradnju stanova za demobilisane borce, RVI i šehidske porodice spoje u jedan fond, Vlada je trebala to analizirati ali nikakav odgovor nismo dobili. Inicijativu o objavljivanju liste najvećih primanja u javnim preduzećima i JU i fondovima u vlasništvu Kantona Sarajevo istu dostaviti u pismenoj formi. Lista je stigla ali veliki broj imena je izostavljen, pitam se zašto i zbog čega. Inicijativa o sigurnosti saobraćaja u kantonu, inicijativa o legalnim taksi vozilima, ustvari od svega toga ništa nije realizovano. Inicijativa da Vlada Kantona Sarajevo predloži rješenje problema sa kojima se susreće preduzeće BAKS Energotehnika je upravo iznijela moja kolegica Neira Avdibegović zato tu inicijativu preskačem. Inicijativa da Vlada , momenat, to je na laptopu pa malo ide teže. Jedno od važnih pitanja je bilo i pitanje kada će se donijeti propis, pravilnik kojim se precizno definiše procedura izbora kriterij za izbor, te nadležnost i rad direktora u srednjim školama Kantona Sarajevo. Od toga ništa nije realizovano. Ja još uvijek kada skrećem sa autoputa na izlazu ne vidim tablu Ilijaš, sva sreća da znam da tu moram skrenuti inače bi svaki put došla do Visokog ili vjerovatno do Kaknja, sve zavisi kada bi mi naumpalo da trebam da skrenem prema Ilijašu. Još uvijek nemam odgovor o tome kada će Sarajevo dobiti javni wc na relaciji Iliđa Bašćaršija, svakodnevno okrećem glavu da ne gledam one koji bez imalo stida vrše nuždu uz zid neke zgrade ili ti nekog drveta u parku. Ovo je samo mali dio inicijativa i pitanja mojih kolega iz DF-a a da ne govorim o pitanjima i inicijativama mojih dragih kolega iz ostalih partija kojih je bilo veoma, veoma mnogo. Na većinu pitanja nismo dobili odgovor, a većina inicijativa koje smo pokrenuli su da li namjerno ili slučajno pale u zaborav. Vlada Kantona Sarajevo donosi zakone i predlaže ih Skupštini na usvajanje, mi aminujemo skoro sve i jedan Zakon, ali kada mi predložimo neku inicijativu to se ili djelimično odradi ili se zaboravi da je uopšte postojalo. Zato pitam zašto Vlada Kantona Sarajevo nema sluha za naše inicijative koje su isključivo za dobrobit naših građana koji su birali upravo nas“.

Zastupnik Semir Halilović je postavio dva zastupnička pitanja:

„Za Vladu Kantona Sarajevo pitanje da mi dostavi podatke o svim kreditnim zaduženjima Kantona Sarajevo kod komercijalnih banaka. I iznose kamata koje će biti isplaćene na osnovu svih kredita koje Kanton Sarajevo podigao. Drugo pitanje je za Ministarstvo zdravlja Kantona Sarajevo. Dakle, prema podacima koji su dostupni javnosti u JU Domovi zdravlja Kantona Sarajevo u proteklih sedam godina, navodno je bez konkursne procedure zaposleno oko 600 lica. Dakle molim Ministarstvo zdravstva Kantona Sarajevo da mi dostavi podatke da li je to tačno i ako jeste tražim također listu zaposlenih“.

Zastupnik Predrag Kojović je pokrenuo dva zastupnička pitanja:

„Ja bih imao dva pitanja. Jedno pitanje je upućeno premijeru, a jedno pitanje će biti ministru MUP-a. 24.02. u vrijeme tzv. poznatih februarskih demonstracija ova Skupština je donijela Zaključak da poslanici iz ove Skupštine ne budu više imenovani u rukovodeće strukture JU. Imenovanje u JP je već zabranjivao Zakon, ali propustom u zakonu na neki način ostavljena je rupa da budu poslanici imenovani u JU, kao što su domovi zdravlja, zavod za zapošljavanje, i još neke, i znalo se uvijek da je taj princip nanosio ogromnu štetu građanima Kantona

Sarajevo jer se ta raspodjela tog plijena koristila za formiranje tzv. skupštinskih i parlamentarnih većina tako što su se neke grupe poslanika za njihovu podršku Vladi da kontrola nad određenih preduzećima i određenim ustanovama. Sjećam se svojevremeno kada je premijer bio poslanik u tom periodu i njegove diskusije koja je održana ta sjednica u Gradskom vijeću kako je strasno govorio o potrebi da se takva praksa promijeni, a mislim da je kolega Pindžo bio inicijator tog zaključka gdje je jednoglasno Skupština donijela odluku da se svi poslanici koji su izabrani u rukovodeće strukture javnih ustanova povuku i da Vlada prestane vršiti takva imenovanja. Na moje iznenađenje, ja imam informaciju da i u ovom mandatu nekadašnji poslanik, gospodin Konaković, sada premijer, je zapravo uradio isto ono što su uradile sve ove Vlade, a to je da određenu grupu poslanika imenovano u takve rukovodeće strukture. Pa bih ja molio premijeru, zanima me prvo šta vi mislite o tome i da mi dostavite do sljedeće sjednice ime svih poslanika koji se nalaze rukovodećim strukturama JU, kao i u komisijama koje se formiraju pri ministarstvima u Vladi.

Drugo pitanje, ja ću to dostaviti pismeno, evo samo ću ga ovdje naglasiti našem novom ministru MUP-a, a to je zanimaju me statistike radi našeg radi našeg rada na Zakonu o nošenju oružja i broju počinjenih krivičnih djela sa registrovanim i neregistrovanim oružjem, broj rasvijetljenih slučajeva sa ileganim oružjem i sa leganim oružjem, broj izdatih rješenja i broj oduzimanja rješenja koje su ustvari dozvole za posjedovanje oružja“.

Zastupnik Zvonko Marić je pokrenuo dvije zastupničke inicijative:

„Budući da moram na početku kazati, ponoviti ono što sam već jednom govorio, dešava se da još uvijek ne dobivamo odgovore na neka pitanja koja su postavljena prije čak i tri mjeseca. Mislim da bi se trebao uozbiljiti taj mehanizam na neki način ili se čini bespredmetnim postavljati dalje ova pitanja. O kvaliteti neću da govorim, dobijenih odgovora, jer je ona ispod svakog nivoa. Naime ono što moram reći je da je inicijativa koja je pokrenuta u Skupštini upravo je realizirana o obilasku u naselju Otes zgrada koje su useljavaju iz resora više ministarstava stanovnici, međutim moram kazati da smo se tamo pojavili ja i predstavica Ministarstva za rad i socijalnu politiku i naišli smo na jedan crno bijeli svijet koji je poprilično depresivan i moram kazati da bi možda Vlada trebala podhtino poduzeti određene mjere na racionalizaciji tog segmenta iz prostog razloga što se tamo dešavaju fizički upadi u stanove u kojima niko trenutno ne živi. Nekako je kao tranzitni centar u kojem je svojevrsna destruktivna anarhija. Ono jedino što se izvršava je uplate Kantona za stanarine tamo koja na godišnjem nivou iznosi skoro oko milion KM. Mislim da bi se možda kupovinom tih objekata izvršila racionalizacija i ušteda, prostom računicom je to vidljivo i može se ustanoviti da sam potpuno u pravu, a tamo ti poslovni prostori kojih ima poprilično mogu se na neki način u tom slučaju prepraviti i zbrinuti se tamo ljudi koji zaslužuju ili koji su beskućnici ili ne znam koje već kategorije i da tim zgradama upravlja Vlada odnosno Kanton. I ono što je posebno značajno, ti ljudi koji tamo borave, privremeno, narušavaju život u neku ruku čine nepodnošljivim svim onim stanovnicima okolnih zgrada.

Druga inicijativa, odnosi se prije svega na pitanje legaliteta i legitimiteta sindikata za osnovno obrazovanje jer poprilično dugo se povlači taj problem. Dakle puno je dilema i puno je rasprava te stoga molim, a nadam se da će ministar pravde Nenadić i ministrica za rad i socijalnu politiku, Dautbegović definitivno donijeti konačnu riječ o tome, jer taj sindikat djeluje pet ili šest godina, kojim rukovodi gospodin Sivo i izaziva velike nejasnoće i čini se da bi se to pitanje napokon moralo riješiti jer bojim se da se treba objasniti samo pojam da li je pravna činjenica odnosno pravni argument reprezentativnost odnosno brojnost. I na kraju, molim vas predsjedavajuća samo jedna rečenica. Mi već dugo vremena radimo na način da ovaj mikrofon ovdje šeta, i podsjećamo često na možda učesnike nekih muzičkih rijaliti šoua ili ne znam, i ponašamo se kao pjevači. Ako već postoje izdvojena sredstva, molim vas da učinite sve da se ozvuči napokon ova sala. A ja imam informaciju da za takvu namjenu postoje sredstva“.

Zastupnik Elvedin Okerić je podnio informaciju:

„Imam jednu informaciju. U pogledu posljednjeg dešavanja i narušavanja sigurnosti u Kantonu Sarajevo Komisija za sigurnost održala je dvije sjednice, jednu redovnu i jednu hitnu. Tačka dnevnog reda je bila Aktuelna situacija u Kantonu Sarajevo u cilju rasvjetljavanja krivičnih djela koja su obilježila prethodni mjesec; pljačka Raifaizen banke na Ilidži gdje je smrtno stradao prolaznik i krivično djelo ubistvo dvojice vojnika OS BIH, te samoubistvo osumnjičenog za ubistvo vojnika. Na sastanku su prisustvovali Komesar MUP-a Kantona Sarajevo i glavna tužiteljica Kantona Sarajevo gdje su nas upoznali o sigurnosnoj situaciji i dali informaciju o konkretnim krivičnim djelima. Komisija za sigurnost Kantona Sarajevo sugeriše svim segmentima društva za provedbu zakona u Kantonu Sarajevo da svi svoje kapacitete stave za potrebe sigurnosti građana Kantona Sarajevo. Sugerišemo da poduzmu sve aktivnosti što profesionalnijeg izvršavanja zadataka odgovornosti prema građanima i društvu, te nužno povećanja pravde i pravičnosti u svim postupcima koje provode od najnižih do najviših organa vlasti“.

Zastupnik Fikret Pljevljak je podnio zastupničku inicijativu:

„U skladu sa Poslovnikom Skupština Kantona Sarajevo podnosim inicijativu. Tražim od Ministarstva prostornog uređenja, građenja i zaštite okoliša da se iznađe način uvažavanja mišljenja organa MZ i izgradnja, građana MZ Stup II u postupku izmjene i dopune Regulacionog plana Stup Nukleus koji je pokrenuta od strane Općinskog vijeća Ilidža.

Obrazloženje

Preko 1000 punoljetnih građana uputilo je molbu Skupštini i Vladi Kantona Sarajevo koji mole da se nastavak gradnje u ovoj MZ planira na način na koji neće biti ugrožena imovina i životni uslovi, kao i da se ispoštuju ciljevi prostornog plana Kantona Sarajevo sa kojim moraju biti usaglašeni svi niži prostorni planovi“.

Zastupnik Dževad Rado je iznio svoje nezadovoljstvo odgovorom na zastupnička pitanja koja je postavio na 8. radnoj sjednici, te ista obnovio:

„Obzirom da sam na 8 sjednici postavio poslaničko pitanje prethodnoj ministrici Emiri Mikulec, a isto se odnosi na odobravanje dva projekta Instituta za nuklearnu medicinu, tačnije dr Begić Ameli mimo procedura dobio sam od prethodne ministrice odgovor te ovom prilikom ističem sljedeće. Nezadovoljan sam odgovorom i istrajat ću na ovom do kraja. U odgovoru se navodi da su projekti zaustavljeni i da je ugovor poništen što mi dodatno ukazuje na to da se radi o pokušaju malverzacija. Također navodi se saglasnost naučnog vijeća iz 2011, dakle projekta koji je završen. Tražim da mi se dostave oba projekta, sva dokumentacija koju posjeduje Ministarstvo a vezana su za projekte na koje se pozivaju u odgovoru na poslaničko pitanje. I to: Ugovor o finansiranju projekata potpisan sa KCUS, odluku o odobravanju finansijskih sredstava od 21.07.2015 godine Ministarstva zdravstva na osnovu koje je sačinjen prethodni ugovor, sporazum o raskidu ugovora sa KCUS a koji se tiču navedenih projekata. Također tražim informaciju do kojeg iznosa finansijskih sredstava ministrica Mikulec je mogla dodijeliti sredstva bez obaveze raspisivanja javnog poziva i provođenja javnih procedura.

Obrazloženje koje su mi dali smatram nelegalnim jer se postavlja pitanje zašto onda uopšte postoji praksa provođenja javnih poziva na raspodjeli finansijskih sredstava u svrhu implementacije određenih projekata. Također tražim informaciju od ministarstva finansija da li su sredstva po osnovu oba projekta prebačeni KCUS. A ako jesu, u kom iznosu? Dakle, radi se o projektima iz 2015 godine da vam sada ne oduzimam vrijeme. U pisanoj formi dobit ćete o koja se dva projekta radi. Također obzirom da sam na 8. sjednici postavio poslaničko pitanje prethodnoj ministrici, a odnosi se na to da se lista lijekova prvo našla u apotekama pa tek onda na Vladi. Te pitanje vezano za lijek (nerazumljivo) kako može biti skinut sa esencijalne

list, lijek koji nema zamjenu, kao i lijek Saralto (nerazumljivo). Odgovorom koji sam dobio jako sam nezadovoljan, prilično ljut i povrijeđen jer zaista odgovor govori u prilog činjenici da nas pojedini uposlenici ministarstva smatraju manje inteligentnim i neupućenim. Pa ću samo kratko poručiti. Tačno je da ne možemo biti u isto vrijeme i doktor i magistar finansija, pravnici, ekonomisti, ali budite sigurni da ćemo uvijek dobiti pravu informaciju isključivo od struke, ako nam to bude potrebno. Dakle, smatram da je ovaj odgovor uz suglasnost prethodne ministrice napisala dugogodišnja pomoćnica pomoćnica ministrice farmacije koja godina sjedi na radnom mjestu i provodi nakaradnu politiku po tom pitanju. Odgovor sam dobio na tri pune stranice. Pisalo je o svemu i svačemu samo ne onome što sam pitao. Nakon konsultacije stručnjaka iz ove oblasti. Evo da skratim. Stručnjaci apsolutno smatraju da se moraju naći i treća pored ove dvije grupe, i treća grupa pacijenata. Ta grupa pacijenata je vrlo mala i ne bi značajnije finansijski opterećivala postojeći fond a dostavit ću vam kompletno moje nezadovoljstvo, da ne bih oduzimao vrijeme kolegama“.

Zastupnik Rasim Smajić je postavio dva zastupnička pitanja:

„Ja imam dva zastupnička pitanja, veoma su kratka i bit ćemo konkretni.

Naime da li možemo reći građanima Kantona Sarajevo da će biti isporuka plina redovna, kao i servisiranje obaveza u 2016 godini?

Mog drugog pitanja se već dotakao kolega Goran Akšamija. Moje drugo pitanje se odnosi u kom realnom periodu možemo očekivati prestanak redukcije vode u Kantonu Sarajevo?“

Zastupnik Mario Vukasović je pokrenuo dvije inicijative:

„Prva inicijativa je upućena Vladi Kantona Sarajevo, Kantonalnoj upravi za inspeksijske poslove Kantona Sarajevo i Kantonalnom Tužilaštvu Kantona Sarajevo. Prije nekih desetak dana se u medijima pojavila priča o velikom nepotizmu i kriminalu koji Vlada u JU Studentski centar i tu se navode ozbiljne optužbe te bih zamolio nadležne organe da istraže navedene tvrdnje. I dok u medijima možemo čuti direktora Studentskih domova, gospodin Kadrića da kako niko nema sluha za probleme studentskih domova, kako je potreban veći transfer novca iz budžeta Kantona Sarajevo istovremeno ta javna ustanova izgradi teniske terene za potrebe studenata u blizini Studentskog doma u Nedžarićima. Svima nama je poznat dosta nezavidan položaj u kojem se nalaze studenti i studentski domova stoga ne vidim zaista koja je bila potreba izgradnje tih terena pored svih prioritetnih problema koje je trebalo rješavati. Prema navodima u medijima, teniske terene koristi teniski klub Bosna a gdje je predsjednik UO sin direktora Studentskih domova, dok studenti teniske terene ne koriste gotovo nikako. Prema informacijama kojima raspolažem, teniski tereni nemaju potrebnu dozvolu za izgradnju i upotrebu. Mediji su izvijestili o velikom nepotizmu i samovolji koja Vlada Studentskim centrom te da je direktor Kadrić navodno zaposlio veliki broj članova svoje uže i šire porodice u studentskom centru. Mediji navode: kćerka direktora Kadrića je upravnica Studentskog doma Nedžarići. Sin je zadužen za teniske terene. Snaha gdina Kadrića je jedna od šefica A jedinice u Nedžarićima, dok je njen otac šef voznog parka. Muž direktorove kćerke je saradnik na studentskim nalogima, a vjenčana kuma je upravnica Studentskog doma Bjelave. Također, kako navode mediji, vjenčani kum direktorovog sina je zadužen za održavanje web stranice a direktorov sestrić je recepcioner u Studentskom domu Bjelave. Molim da se sve gore navedeno ispita od strane nadležnih organa, te da se Skupština Kantona Sarajevo i ja kao zastupnik, izvijestimo u roku propisanom Poslovnikom.

Druga inicijativa, inicijativa koju ponavljam treći put, treću sjednicu zaredom. Upućena je Ministarstvu za obrazovanje, nauku i mlade Kantona Sarajevo i Vladi Kantona Sarajevo. Molim da mi dostavite, sada pitanje neću ponavljati, ali ću obrazloženo. Već treću sjednicu zaredom podnosim istu inicijativu na koju još uvijek nisam dobio zvanično odgovor i nakon skoro tri mjeseca, a pitanje je bilo upućeno Ministarstvu za obrazovanje, nauku i mlade Kantona Sarajevo i Vladi Kantona Sarajevo, te bih zamolio premijera da usmeno odgovori.

Interesuje me kakav je status implementacije odredbi federalnog zakona o mladima, na nivou Kantona Sarajevo. Nezaposlenost mladih ljudi je jedan od gorućih problema, te me zanima šta se u 2016 godini misli uraditi konkretno po tom pitanju ako izuzmemo izuzetno limitiran kapacitet projekata finansiranja pripravnčkog rada. Podsjećamo Vladu da mladima prema ovom zakonu mora garantovati posebne programe za zapošljavanje mladih, usvojiti strategiju za mlade. Posebne programe učešća mladih u društvenom životu. Posebne programe socijalne i zdravstvene skrbi i sve druge obaveze proistekle iz ovog zakona. Od ministarstva za obrazovanje, nauku i mlade, odgovor očekujem pismeno“.

Nakon iznošenja zastupničkih pitanja i inicijativa, predsjedateljica Ana Babić je predložila prisutnima da se izjasne o inicijativi zastupnika Edina Forte, koja je u međuvremenu dostavljena svim zastupnicima.

Inicijativa je podržana (20 glasova „ZA“)

Zastupnik Rasim Smajić je izrazio sumnju u glasanje, te je provedeno pojedinačno glasanje. Pojedinačnim glasanjem Inicijativa je također dobila podršku većine zastupnika (19 „za“).

Usmene odgovore na postavljena pitanja dao je premijer Kantona Sarajevo Elmedin Konaković.

AD – 2.

PRIJEDLOG ZAKONA O UNUTRAŠNJIM POSLOVIMA KANTONA SARAJEVO

Prijedlog zakona su poslanici dobili uz poziv za sjednicu.

U ime Predlagača ministar unutrašnjih poslova Ismir Jusko je podnio uvodno izlaganje.

Pitanje je postavio zastupnik Slaviša Šućur, a na isto je odgovorio premijer Kantona Sarajevo Elmedin Konaković.

U raspravi koja je potom uslijedila učestvovali su: Segmedina Bajramović Srna, Semir Halilović, Kemal Ademović i Mirsad Pindžo.

Premijer Elmedin Konaković je povukao Prijedlog zakona o unutrašnjim poslovima Kantona Sarajevo sa današnje sjednice zbog korekcije koju će obaviti u toku sedmice, i zamolio je zastupnike da pismeno pošalju svoje prijedloge u što kraćem vremenu, kako bi se četiri dana prije održavanja naredne sjednice, u četvrtak, materijal mogao vratiti Kolegiju i biti uvršten u dnevni red 10. Radne sjednice.

AD – 3.

NACRT ZAKONA O IZMJENAMA I DOPUNAMA ZAKONA O KOMUNALNOJ ČISTOĆI

Nacrt zakona su zastupnici dobili uz poziv za sjednicu.

Predstavnik Predlagača, ministar komunalne privrede i infrastrukture, Senad Hasanspahić je podnio uvodne napomene.

Za pitanja se nije javio nikom, a u raspravi je učestvovala zastupnica Mersiha Mehmedagić.

Ministar Senad Hasanspahić je uvažio primjedbe koje je iznijela zastupnica Mersiha Mehmedagić i kazao da će bit sastavni dio ovog Nacrta zakona.

SKUPŠTINA JE JEDNOGLASNO (28 „ZA“) PO NACRTU ZAKONA O IZMJENAMA I DOPUNAMA ZAKONA O KOMUNALNOJ ČISTOĆI DONIJELA SLJEDEĆE

ZAKLJUČKE:

1. *Utvrđuje se Nacrt zakona o izmjenama i dopunama Zakona o komunalnoj čistoći;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanovama i trajaće 15 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjenama i dopunama Zakona o komunalnoj čistoći.*

Predsjedateljica je u 13,20 sati dala pauzu od sat vremena za ručak.

Nakon pauze nastavilo se sa razradom dnevnog reda.

AD – 4.

NACRT ZAKONA O ZAŠTITI OD BUKE KANTONA SARAJEVO

Nacrt zakona su poslanici dobili uz poziv za sjednicu.

Uvodno izlaganje u ime Predlagača je podnio ministar Čedomir Lukić.

Jedini diskutanti po ovoj tački dnevnog reda bili su zastupnica Neira Avdibegović i zastupnik Eldar Čomor.

Skupština je jednoglasno (27 “ZA”) po Nacrtu zakona o zaštiti od buke Kantona Sarajevo donijela sljedeće

ZAKLJUČKE:

1. *Utvrđuje se Nacrt zakona o zaštiti od buke Kantona Sarajevo;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 60 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o zaštiti od buke Kantona Sarajevo.*

AD – 5.

NACRT ZAKONA O TURIZMU

Nacrt zakona dobili ste uz poziv za sjednicu.

Ministar Muharem Šabić je u ime predstavnika Predlagača podnio uvodne napomene.

Diskutanti po ovoj tački dnevnog reda su bili zastupnici: Bibija Kerla, Segmedina Srna Bajramović, Dževad Rađo, Mirsad Pindžo, Kemal Ademović, Muhamed Kozadra, Fahrudin Pecikoza, Slaviša Šućur.

Premijer Vlade Kantona Sarajevo Elmedin Konaković se ukratko osvrnuo na iznesene diskusije.

Skupština je (30 “za”) po Nacrtu zakona o turizmu donijela sljedeće

ZAKLJUČKE:

1. *Utvrđuje se Nacrt zakona o turizmu;*
2. *Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće 30 dana.*
3. *Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.*
4. *Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o turizmu.*

AD – 6.

PRIJEDLOG ODLUKE O DAVANJU SAGLASNOSTI NA OSNIVANJE PRAVA GRAĐENJA NA NEKRETNINAMA U VLASNIŠTVU KANTONA SARAJEVO NA KOJIMA JE KAO NOSILAC PRAVA RASPOLAGANJA UPISAN KJKP „GRADSKI SAOBRAĆAJ“ D.O.O. SARAJEVO I TO U KORIST GRADA SARAJEVA, A SVE U CILJU REALIZACIJE PROJEKTA „REVITALIZACIJA TREBEVIĆKE ŽIČARE“

Zastupnici su Prijedlog odluke dobili uz poziv za sjednicu.

Predstavnik Predlagača, ministar Mujo Fišo je podnio uvodne napomene.

Nije bilo prijavljenih diskutanata.

PREDSJEDATELJICA JE POZVALA POSLANIKE DA PRISTUPE IZJAŠNJAVANJU O PRIJEDLOGU NAVEDENE ODLUKE.

SKUPŠTINA JE JEDNOGLASNO (24 „ZA“) DONIJELA ODLUKU O DAVANJU SAGLASNOSTI NA OSNIVANJE PRAVA GRAĐENJA NA NEKRETNINAMA U VLASNIŠTVU KANTONA SARAJEVO NA KOJIMA JE KAO NOSILAC PRAVA RASPOLAGANJA UPISAN KJKP „GRADSKI SAOBRAĆAJ“ D.O.O. SARAJEVO I

TO U KORIST GRADA SARAJEVA, A SVE U CILJU REALIZACIJE PROJEKTA „REVITALIZACIJA TREBEVIĆKE ŽIČARE“.

AD – 7.

PRIJEDLOG ODLUKE O DAVANJU SAGLASNOSTI KANTONALNOM JAVNOM PREDUZEĆU „ZOI 84“ OLIMPIJSKI CENTAR SARAJEVO D.O.O. SARAJEVO ZA UPIS HIPOTEKE NA NEKRETNINE U VLASNIŠTVU RADI KREDITNOG ZADUŽENJA KOD KOMERCIJALNE UNION BANKE D.D. SARAJEVO U IZNOSU OD 8.000.000 KM

Zastupnici su dobili Prijedlog odluke uz poziv za sjednicu.

Ministar Muharem Šabić je u ime predstavnika Predlagača podnio uvodne napomene.

Zastupnik Kemal Ademović je kao predsjednik Zakonodavno prve komisije iznio sugestiju Komisije Predlagaču da dobiju saglasnost Union banke da preuzima a BOR banke da dozvoljava prenos ovog založnog prava. I da pribavi ove saglasnosti ili materijal povuče do dobijanja saglasnosti.

Ministar Muharem Šabić je dao odgovor na navedenu sugestiju.

U diskusiju su se uključili i zastupnici: Edin Forto, Mirsad Pindžo, Safet Mešanović, Kemal Ademović, Muhamed Kozadra, Mirza Čelik, Zvonko Marić, Semir Halilović, Sabahudin Delalić, Goran Akšamija.

Nakon diskusija i iznesenih sugestija premijer Elmedin Konaković je povukao Prijedlog odluke sa dnevnog reda.

AD – 8.

PRIJEDLOG ODLUKE O IZMJENAMA I DOPUNAMA ODLUKE O LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA („SLUŽBENE NOVINE KANTONA SARAJEVO“, BR. 6/06, 18/07, 18/08 I 35/12)

Prijedlog odluke je dostavljen zastupnicima uz poziv za sjednicu.

Ministar Čedomir Lukić je u ime predstavnika Predlagača podnio uvodne napomene.

Zastupnik Slaviša Šućur je zamolio tumačenje Izvještaja Komisije za prostorno uređenje i komunalnu politiku, a što je obrazložio zastupnik Eldar Čomor kao predsjednik navedene Komisije i kazao da je Prijedlog odluke nije dobio podršku većine članova Komisije.

U diskusiji su učestvovali zastupnici: Predrag Kojović, Mersiha Mehmedagić, Safet Mešanović, Haris Pleho, Mirsad Pindžo, Nermin Bjelak, Rasim Smajić.

Komentare na iznesene diskusije dao je ministar Čedomir Lukić.

Nakon ministrovog obraćanja uslijedila su dodatna pitanja i diskusije zastupnika: Predraga Kojovića, Mersihe Mehmedagić, Mirsada Pindže.

Predsjedateljica je zaključila raspravu i dala riječ premijeru Kantona Sarajevo Elmedinu Konakoviću.

PREDSJEDATELJICA JE POZVALA POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA I DOPUNAMA ODLUKE O LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA („SLUŽBENE NOVINE KANTONA SARAJEVO“, BR. 6/06, 18/07, 18/08 I 35/12).

SKUPŠTINA JE VEĆINOM GLASOVA (20 „ZA“) DONIJELA ODLUKU O IZMJENAMA I DOPUNAMA ODLUKE O LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA („SLUŽBENE NOVINE KANTONA SARAJEVO“, BR. 6/06, 18/07, 18/08 I 35/12).

AD – 9.

PRIJEDLOG ODLUKE O IZMJENI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

Zastupnici su Prijedlog odluke dobili uz poziv za sjednicu. S obzirom da su zastupnici smatrali da nema potrebe da Predstavnik Predlagača obrazlaže odluku, nije bilo uvodnog izlaganja, niti je bilo pitanja i rasprave.

PREDSJEDATELJICA JE POZVALA POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO.

SKUPŠTINA JE JEDNOGLASNO (29 „ZA“) DONIJELA ODLUKU O IZMJENI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO.

AD – 10.

PRIJEDLOG ODLUKE O IZMJENAMA ODLUKE O OSNIVANJU LOVIŠTA NA PODRUČJU KANTONA SARAJEVO („SLUŽBENE NOVINE KANTONA SARAJEVO“ BROJ:17/10 I 42/12);

Prijedlog odluke su zastupnici dobili uz poziv za sjednicu. S obzirom da su zastupnici smatrali da nema potrebe da Predstavnik Predlagača obrazlaže odluku, nije bilo uvodnog izlaganja, niti je bilo pitanja i rasprave.

PREDSJEDAVAJUĆA JE POZVALA POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENAMA ODLUKE O OSNIVANJU LOVIŠTA NA PODRUČJU KANTONA SARAJEVO.

SKUPŠTINA JE JEDNOGLASNO (26 „ZA“) DONIJELA ODLUKU OSNIVANJU LOVIŠTA NA PODRUČJU KANTONA SARAJEVO.

AD – 11.

PRIJEDLOG ODLUKE O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: GIMNAZIJA UNIVERZITETA SARAJEVO SCHOOL OF SCIENCE AND TECHNOLOGY, SARAJEVO, BISTRİK BR. 7

Prijedlog odluke su zastupnici dobili uz poziv za sjednicu.

S obzirom da su zastupnici smatrali da nema potrebe da Predstavnik Predlagača obrazlaže odluku, nije bilo uvodnog izlaganja, niti je bilo pitanja i rasprave.

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: GIMNAZIJA UNIVERZITETA SARAJEVO SCHOOL OF SCIENCE AND TECHNOLOGY, SARAJEVO, BISTRİK BR. 7

SKUPŠTINA JE VEĆINOM GLASOVA (25 „ZA“) DONIJELA ODLUKU DAVANJU SAGLASNOSTI ZA OSNIVANJE PRIVATNE SREDNJE ŠKOLE NAZIVA: GIMNAZIJA UNIVERZITETA SARAJEVO SCHOOL OF SCIENCE AND TECHNOLOGY, SARAJEVO, BISTRİK BR. 7.

AD – 12.

IZVJEŠTAJ O POSLOVANJU KJU “GERONTOLOŠKI CENTAR” ZA 2014. GODINU

(Izvještaj o radu sa Izvještajem o finansijskom poslovanju za 2014. godinu)

Zastupnici su Izvještaj dobili u materijalima.

Nije bilo potrebe za uvodnim izlaganjem po mišljenju zastupnika, kao ni pitanja niti rasprave.

PREDSJEDATELJICA JE POZVALA POSLANIKE DA PRISTUPE IZJAŠNJAVANJU O IZVJEŠTAJU O POSLOVANJU KJU “GERONTOLOŠKI CENTAR” ZA 2014. GODINU.

IZVJEŠTAJ NIJE USVOJEN („za“ 3 , protiv 1, suzdržano 20), na što je zastupnik Rasim Smajić tražio da se zastupnici pojedinačno izjasne.

NAKON POJEDINAČNOG IZJAŠNJAVANJA PREDSJEDATELJICA JE KONSTATOVALA DA SKUPŠTINA NIJE USVOJILA IZVJEŠTAJ O POSLOVANJU KJU “GERONTOLOŠKI CENTAR” ZA 2014. GODINU. („za“ 6, 1 „protiv“ i 21 „suzdržan“).

AD-13.

PROGRAM RADA KANTONALNIH JAVNIH USTANOVA ZA 2016.GODINU:

1. **„Porodično savjetovalište“**
2. **„Disciplinski centar za maloljetnike“**
3. **„Gerontološki centar“**
4. **„Kantonalni centar za socijalni rad“**
5. **„Dom za socijalno zdravstveno zbrinjavanje osoba sa invaliditetom i drugih osoba“**
6. **„Dom za djecu bez roditeljskog staranja“**

Predsjedateljica je predložila, a zastupnici jednoglasno podržali, da se vodi jedinstvena rasprava po svim programima iz oblasti socijalne zaštite, a da se izjašnjavanje provede pojedinačno za svaku ustanovu posebno.

Zastupnici nisu izrazili potrebu za uvodnim izlaganjem predstavnika Predlagača, niti je bilo pitanja.

U diskusiji je učestvovao zastupnik Mario Vukasović.

Nakon diskusije, predsjedateljica je zaključila raspravu i pozvala prisutne da se izjasne glasanjem pojedinačno po svim tačkama.

a)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „PORODIČNO SAVJETOVALIŠTE“ ZA 2016.godinu.
SKUPŠTINA JE JEDNOGLASNO (22 „ZA“) USVOJILA PROGRAM RADA KJU „PORODIČNO SAVJETOVALIŠTE“ ZA 2016.godinu.

b)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „DISCIPLINSKI CENTAR ZA MALOLJETNIKE“ ZA 2016.godinu.
SKUPŠTINA JE JEDNOGLASNO (22 „ZA“) USVOJILA PROGRAM RADA KJU „DISCIPLINSKI CENTAR ZA MALOLJETNIKE“ ZA 2016.godinu.

c)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „GERONTOLOŠKI CENTAR“ ZA 2016.GODINU.
SKUPŠTINA JE JEDNOGLASNO (22 „ZA“) USVOJILA PROGRAM RADA KJU „GERONTOLOŠKI CENTAR“ ZA 2016.godinu.

d)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „KANTONALNI CENTAR ZA SOCIJALNI RAD“ ZA 2016.godinu.

SKUPŠTINA JE JEDNOGLASNO (21 „ZA“) USVOJILA PROGRAM RADA KJU „KANTONALNI CENTAR ZA SOCIJALNI RAD“ ZA 2016.godinu.

e)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA“ ZA 2016.godinu.

SKUPŠTINA JE JEDNOGLASNO (21 „ZA“) USVOJILA PROGRAM RADA KJU „DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA“ ZA 2016.godinu.

f)

PREDSJEDATELJICA JE POZVALA ZASTUPNIKE DA PRISTUPE IZJAŠNJAVANJU O PROGRAMU RADA KJU „DOM ZA DJECU BEZ RODITELJSKOG STARANJA“ ZA 2016.godinu.

SKUPŠTINA JE JEDNOGLASNO (21 „ZA“) USVOJILA PROGRAM RADA KJU „DOM ZA DJECU BEZ RODITELJSKOG STARANJA“ ZA 2016.godinu.

AD – 14.

IZVJEŠTAJ O STANJU U OBLASTI ZAPOŠLJAVANJA U KANTONU SARAJEVO ZA 2014. GODINU

Zastupnici su dobili Izvještaj u materijalima za sjednicu.

Zastupnici nisu izrazili potrebu za uvodnim izlaganjem predstavnika Predlagača, niti je bilo pitanja.

U diskusiji je učestvovao zastupnik Mario Vukasović.

Nakon diskusije, predsjedateljica je zaključila raspravu.

POZVALA JE PRISUTNE DA SE IZJASNE O IZVJEŠTAJU O STANJU U OBLASTI ZAPOŠLJAVANJA U KANTONU SARAJEVO ZA 2014. GODINU.

ZA NIJE BIO NIKO, PROTIV NIŠTA i SUZDRŽANIH 23.

SKUPŠTINA NIJE USVOJILA („ZA“ NIKO) IZVJEŠTAJ O STANJU U OBLASTI ZAPOŠLJAVANJA U KANTONU SARAJEVO ZA 2014. GODINU.

S obzirom da su iscrpljene sve tačke Dnevnog reda Devete radne sjednice, predsjedateljica Ana Babić je u 18,14 sati zaključila rad na Devetoj radnoj sjednici Skupštine Kantona Sarajevo.

Predsjedateljica je istovremeno iskoristila priliku te uputila čestitke za sretne blagdane i Božić svim vjernicima katoličke vjeroispovijesti.

Zapisnik izradila:
Lejla Kadrić

Po ovlaštenju

SEKRETAR

SKUPŠTINE KANTONA SARAJEVO

Almira Kulovac Šetkić, dipl. pravnik

PREDSJEDATELJICA

SKUPŠTINE KANTONA SARAJEVO

Prof. Ana Babić